

槐卿遺稿

卷一至三



00486

同治元年刊

槐  
卿  
遺  
藁

序

贈觀瞻沈君槐卿早擅文譽弱冠聯魁道光辛丑訪余

道光辛丑

訪余

於務關丞署未及壯年已宰章水奉諱服闋將復出山

余方以少年科第未必更事疑之及談治興國事引經

斷獄警服強豪雖老吏不及贈余詩云敷政衆之父摘

奸明若神余言二語還以贈君於是始心折焉密函致

江右撫軍爲之延譽撫軍者吳甄甫通家

文鎔

後殉節

於兩湖者也越數年余守蘇南昌王蓉坡太守藩北上

過訪時槐卿令鄱陽余問之云是邑繁難甲通省缺出

大府求一良吏爲之藩言有素不識面之泰和令沈君

槐卿遺藁

序

一

可勝斯任遂得調今治行冠豫章矣撫軍以藩爲知人

至咸豐建元辛亥正月余從閩南歸泊舟滕王閣下微

服采聽風謠則聞鄱邑循聲洋溢街巷賑務實惠政事

實心且教令之詞訟獄之判救災請命之語興學訓士

之文一一膾炙人口羣以撫臣學臣交章薦舉爲得賢

是真以經術飾治者也嗚呼抱此宏才遭茲劫運救省

圍解戰死孤城使不能竟伸其志大展其才

國家不得收其用蒼生不得蒙其福豈不痛哉槐卿長

嗣芝修

余甥也丙辰余往新安過七都甥延之入室以

母李恭人命出父書一篋丐余刪存余編爲十二卷甥

尙幼穉使歸母藏之流離轉徙抱以偕行千里馳書拳

拳索序避亂南昌致書閩嶠恭人亦賢矣哉憶殉節時余挽以聯

有義集一身都是膽光爭二曜只斯心等句聯云饒營甲土有幾

鄰邑勇夫有幾敢殺強寇敢救省垣義集一身都是膽豫章治行無雙廣陽人物無雙不負科名不孤祖訓光

爭二曜只斯心嗚呼後之讀斯集者想見其心雖與日月爭光

可也

咸豐十有一年孟秋月前福建汀漳龍道貴池桂超萬

丹盟甫序於榕城旅次

吾鄉桂丹盟觀管通籍最晚而與 贈君爲忘年交

遂締姻焉是編曾經觀管刪訂釐爲十二卷序而歸

槐卿遺稟

序

二

之今年春喆嗣芝修奉其母恭人命以變與君交最

深屬再爲閔定乃哀次其遺稟政蹟析之各爲六卷

而以觀管之序弁焉不忘始事也其手寫讐校凡三

易稟而後成則君之門下李茂才逢辰力任之卽恭

人之姪也剗厠之資則泰和士民思其遺愛鳩貲潰

成而泰和明府張君榮泉邑之大令李君瀚學博部

君子仁明經陳君夢龍實領袖焉書成爲敘其緣起

如此同治元年秋九月當塗夏燮識

序

自古畸人傑士宏猷壯略以氣節見者不必以文章顯也顧文以人重後之聞風慕義者想見其言論丰采雖得其咳唾之餘猶將瓣香事之况同官共事差肩接武於前後間者固已如覩其唾血誓師嚼齒罵賊足以爭光日月畱照汗青者乎則贈觀警沈公槐卿其人也公皖人以名進士來江歷宰興國泰和輕徭薄賦除弊剔奸所至有神明之稱調任鄱陽鄱繁難甲通省又歲苦水災公勘驗賑卹實心實政民畏愛之會粵匪徧省垣衆數十萬大府檄飭各郡縣赴援一時兵餉交絀警報

槐卿遺藁

序

一

頻聞僉瞻顧徬徨不敢進公獨督率鄉團數千沿紫章江要隘而省圍賴以終解旋聞賊竄入鄱復星夜馳還助勦時公已卸鄱篆麾下從者皆欲止公輒奮袂大呼曰鄱民視吾猶父母忍棄之耶且吾之赤子卽爾之親族忍視其死亡而莫之救耶聞者感泣從命凡數戰而以身殉焉嗚呼壯哉余聞公少年登第名譽藉甚詩文灑灑數千言倚馬可待然不自收拾大半散失其見諸吏治者告諭判牘稟詳各件略見一斑當世士大夫皆以年壯學優未盡其才爲公惜然古今名人學士位極通顯著述等身有爲人所吐棄而不屑道者抑或風月

吟嘲詩酒酬酢不旋踵而風流歇絕與草木同腐則以  
載道之文之必歸於有德也余不才誼忝同舟每以不  
得見公顏色爲恨而撫此遺編篝燈展誦一爲想像恍  
遇公於靈風恠雨間歎歔煩醒不自覺其涕泗之無從  
也則公以人傳不必以文傳而百千年後之聞其風慕  
其義者不得見其人不但且龜其文而俎豆之乎則文與  
公共垂不朽矣公子二長芝修次棠修余婿也出其遺  
橐並劉殿撰桂觀察所撰序進質於予予嘉其能存手  
澤也獎之勸之俾速付之梓而附序於簡末亦聊托名  
於青雲之士云爾時同治元年秋黔中楊恆春謹撰

槐卿遺橐

序

二



題詞

箕尾英魂去莫追廿年治譜一編遺鐵肩辣手椒山志

古誼忠肝信國辭懸鏡澄懷分曲直集中判牘最多徙薪遠慮

策安危謂上中丞請罷英夷和議書我來恨未休文識卻睹鬚眉紙

上奇

肯作文人風月詞循良忠義兩兼之韻頑青史龔劉傳

拜倒黃巾巡遠祠鄱陽雙忠祠祀君與李大令仁元聞君歿後賊屢竄擾有入祠拜禱者

江省已消豺虎患海山不返鶴猿姿君嘗恍惚記前生事作海山猿鶴圖

識者謂君形似猿李令似鶴元都此日風雷駕見君降感沐

恩榮應涕洟

槐卿遺藁

題詞

咸豐辛酉嘉平月單懋謙敬題於西江使署



槐卿遺藁目錄

石埭沈衍慶著

卷一

賦

清丈屯田賦

鑿壁偷光賦

修篁近成林賦

紅葉賦

鴉片煙賦

卷二

古今體詩

鴻鵠行

槐卿遺藁

目錄

題鮑小山虛心補讀圖

重陽前一日侍大父暨霞峯文堅二先生郊行卽事

辛丑新正三日泊舟金山登覽諸勝復駕小艇遊

焦山紀詩二首

花朝後三日畢君律堂招同人賞素心蘭席罷余偕陳春泉登仙壇夜話聯句

戊申秋鄱陽大水余勘災過儒堂山莊廉蒼亭封翁招飲並願出積穀貸貧戶賦贈

大雪行戲學歐陽禁體呈右文舅父



驅瘴歌

代友寄同幕陳君

重陽亨衢叔大父招客飲望佛庵從遊卽事

題張魯岡學博春水歸船圖

荏平題壁三首

贈星學汪炳文

拜大姊望姑墓 有序

己亥夏假館於邵君俊千別墅俊千謬欲執贄余

愧不足當書箴以贈

奉題桂丹盟先生

超萬

養浩齋詩集時初見於務

槐卿遺藁

目錄

二

關

題吳湛溪同年

德清

比部孤燈夢雨圖湛溪憶亡

弟

題湛溪詩鈔

題王海樓明府倚闌觀日出圖

題黃澍齋司寇

爵滋

如此江山圖二首

題吳月霄天奇閣集

之官江右畱別都門諸同年四首

丁酉重陽蔡耘圃明府宴招文郁廷太守元雲渠

別駕蔣韻泉吳薊林姚楚芳王明之張心畬余

朗齋諸先生於青雲書院余庖代金谿卸篆抵郡幸陪雅讌因賦二律

留別澱江士民四首

余錄官澱江時公牘文字一冊名學製草錢小南序題駢語獎飾逾恒賦此以謝

蕪湖過鄧林馱司馬怡園贈戴茂才頤齋芝樓昆仲

人日登燕子磯有感

大廷尉趙蓉舫夫子招同門下士孫編修蘭檢江檢討季安夏儀部百初李秋曹玉泉蔣心香程

槐卿遺藁

目錄

三

庶茲二水部小集書齋賦呈

再之江右畱別都門諸同年四首

春草八首

菊江亭懷靖節先生

題家寄人二兄畫鞠舊筵

謁于瀛舫夫子於婁江官署值因事他往延候數

日感賦

題周吟樵馬上看殘花圖

卷三

書牘一

上大府請罷英夷和議書

上林少穆宮保書 均林宮保覆書

覆署吉安文太守詢泰和地方情形書

覆吳中丞札飭辦理命案及施七釐散書

卷四

書牘二

覆吳中丞札查拏獲邪匪情形書

覆吳中丞請疏銷緩限書

覆吉安李太守諭行事宜書

請捐貲撫卹災黎上各憲書

請發撫卹銀兩上各憲書

請將舊欠銀米分別帶徵遞緩上各憲書

槐卿遺稟

目錄

四

辦理撫卹事宜上本府書

請發捐錢豫籌接濟以工代賑上各憲書

覆上請示勸捐情形書

覆首府鄧太守論辦理撫卹事宜書

覆首府鄧太守函示勸輸捐賑書 均鄧太守覆書

續覆首府鄧太守辦災情形書 均鄧太守覆書

辦理張連輝等致斃六命情形上饒州胡太守書

請將職員孫明捐置義田條欵立案詳牘

卷五

書啟

答陳明經書

答安仁大令夏曠甫論漕米變價情形書

附曠甫  
大令書

答夏曠甫書

與芝陽紳士書

先從堂嫂烈婦李孺人徵詩啟

籌議漕米礙難改折情形上大憲書

補編

卷六

雜著

興國縣寶賢鄉書院記

重建芝陽書院記

孫氏義田記

敏果齋叢書鄉守外編節要合刻序

槐卿遺藁

目錄

五

劉惕庵文跋

代大父壽霞峯先生八十序

代大父壽文堅先生七十序

烈山五旬初度序

祭鄱湖神文

祭石瑤辰司馬文

祭胞叔祖亨衢公文

祭李肖韓姻丈文

祭先大父文

祭先兄步鼈嫂李孺人文

附錄

槐卿遺稿

目錄

六

槐卿遺橐卷一 賦

石埭沈衍慶著

清丈屯田賦

爲曹二尹沅作

曹使君驚才颯舉壯志烟高氣吞八垓以外目營四海而遙夫何一官淪落百感牢騷未大展其驥足僅小試乎牛刀一日挾冊語沈隱侯曰曩者大府入告清丈屯田虔州太守功實偉焉

贛郡伯汪公今陞甘肅廉訪

維予奉檄佐以

周旋櫛風沐雨越陌度阡蓋擘畫者萬畝而經營者三年撫茲景光駛如駒隙爰付丹青用誌鴻雪騁君妍詞乞君彩筆爲予賦之庶足酬一寸之心傳三毫之頰乎

槐卿遺橐

卷一 賦

一

隱侯曰善願伸其說原夫屯田之設寓兵於農貢賦追胥周官之遺灋因田致穀漢代之成功洎洪武始分衛授甲士以井封繼則承平日久濟運是供海忠介之議代相因而未革趙充國之奏用雖異而制同然而法貴與時相維政無百年不弊則有贛州衛信豐故屯者趙清獻撫理之區王文成經營之地徵通力合作之輸資輓粟飛芻之利迄今稽遂師戶冊大半花分記李迪兵糧偏多詭寄思正本而清源亟履畝而會計迺分職而課功實首推乎賢吏始則春日遲遲春草萋萋泥融犢叱日煖鶯啼皂蓋飛而落花拂雕鞍駐而柳影低甲長

偕丁男咸集兒童與父老爭攜細核魚鱗疊疊重重之  
冊斜連雁齒長長短短之堤莫不歡迎晴陌踏徧芳蹊  
已而桑柘陰濃蒲葵秀吐蟬噪干林蛙鳴兩部蒼頭赤  
腳來看戴笠長官蕉扇練衫去訪耦耕田父一經一緯  
兮記事珠五弓十弓兮記里鼓持籌握算兮小史忙簞  
食壺漿兮民風古揮汗兮忘勞病畦兮堪伍無何金風  
夕爽玉露朝濡香飄老桂葉脫修梧或荷竿而蟻旋或  
橐筆以鳧趨雁陣驚寒一一寫長天之字螺紋劃界庚  
庚描縮地之圖漫疑騷客吟秋徙倚松石也似田家作  
苦甘辱泥塗况乃朔風號層雲沍梅萼含雪花布人爭

槐卿遺藁

卷一 賦

二

入室以擁爐此尙衝寒而覓路玉樓凍合麾玉尺以相  
於銀海光搖眩銀繩兮交互橫者勾而縱者股九章之  
算術同參圓成璧而方成珪萬頃之原田如鑄功成四  
序歲閱三周一朝報最尺綬先酬滄桑飄忽幾度春秋  
傾蓋重逢羨智珠之朗映披圖回首感宦海之沉浮話  
辛苦於當年剩有廬山真面問行蹤於此日憑他矮屋  
擡頭然而刀或善藏箸猶請借幽谷已卜遷喬佳境定  
知餐蔗願君揚前楫宣德化木必從繩馭無泛駕政在  
養民功先教稼行看畱傳治譜羣欽仙吏之芳型卽今  
寫入幽風應貴洛陽之紙價

鑿壁偷光賦 以題爲韻

人下董帷天開劉閣德有鄰而不孤明自牖而可納匠  
心苦則出巧思棋路窮而生妙著照來不夜想陽遷之  
城開暗處難投忽梁乘之珠灼晷莫焚膏而繼難探二  
酉之奇迹同鑽穴而窺欲借五丁之鑿溯匡衡之勤學  
也閉戶朝吟篝燈夕惕陰有寸而心珍師何常而疑析  
家無長物那得燃松庭有餘清何曾買荻原堪雪映恨  
飛絮之不逢欲待月明隱殘灰而難覲奈夜色之冥冥  
致書聲之寂寂何以燦乎隱隱蟻穿隙以窺鄰於焉鑿  
之冲冲龍欲飛而破壁火何須乞光不防偷自他有耀  
槐卿遺藁 卷一 賦 三

在我何求小洞堪探輝煌影射隔垣可望燦爛輝浮非  
窺客於韓姬墻雖穿而不礙擬借明之齊女燭有燄而  
爭流映徹千篇數行之墨暈通來一線借點點之火  
毳了了昭彰吟聲正長星微微而入戶電閃閃以照廊  
燒華燭之三條人頻換跋分餘明於四壁學是面牆助  
三更之苦志添五夜之寒芒觸處曾通莫認穿墉鼠穴  
引來不隔肯孤過隙駒光他時

鶴禁觀書

鳳池題句挑起草之銀燈耀送歸之蓮炬莫不瞻藻彩  
之高翔羨明揚之奇遇詎知其由於苦讀寒窗辛勤薄



暮百里宵遊一孔影度研究而金題遍誦已先騰射斗之光贊襄而玉燭能調豈但奏凌雲之賦

修篁近成林賦

以題爲韻

登齊山而緩步兮憇深竹以優游枝扶疎以瀟灑兮幹勁直而清幽亭亭兮綠天覆藹藹兮青雲浮比渭川之千畝兮傲烟雨而吟秋擬淇澳之如簧兮聳百尺而偏修羨此君之高致兮迺騷客而常畱萬竿千竿密密成行禪關之外古寺之旁依山千曲在水一方篩夜月兮搖曳吟曉風兮鏗鏘始也貓頭未吐鴉嘴初張籜葱蘢而欲解筍鬱郁以交相繼則龍孫競發鳳尾爭長烟梢

槐卿遺藁

卷一

賦

四

高接霧榦遠揚排一林之茂密鋪萬个之青蒼瞻蕭條兮三徑獨雅愛於修篁當夫雨潤如酥煙凝似粉綠濕蓀枝青遮籬槿朝霧輕籠凍雷發忿生意油然凡塵不近於焉逍遙可舒幽憤若乃夏日方長繁陰密蘊淨掃蒼苔此間小隱酒泛杜康筵書柳惺旣引薰風還消塵坌坐卧林中絕無拘謹至若秋氣澄清秋月倍明千尋掩映半畝縱橫金風颯颯玉露盈盈鐸聲欲碎天籟爭鳴蕭騷逸韻足繫我情又或嚴冬冷逼六出飛瓊瀟然葉底碎玉同聲菁葱依舊傲雪敷榮不改柯而易葉標古榦以常撐此則貫四時而各窮其致而繪畫之所難

成者也乃有高人韻士緩步相尋行來僻徑坐向清陰  
何嫌草長一任苔侵或揮玉塵或撫瑤琴香醪初泛古  
調頻吟效七賢之曠達擬六逸之胸襟莫不棲遲容與  
而玩賞於修林况乎跡寄名山根依古路翰自參雲葉  
遺凝露猗猗常垂森森遠布松石爲儔風霜幾度時報  
平安無煩遮護此選勝者所以撫玩而吟詩而覽古者  
因之流連而作賦

紅葉賦

以霜葉紅于二月花爲韻

蕭疎晚景點綴秋光獨標古艷似學濃妝映半空之野  
燒帶一抹之斜陽葉却非花較勝芳春之態花原是葉

槐卯遺粟

卷一 賦

五

剛添彩筆之裝沐鉛華於曉露經煊染於清霜時則薄  
霧濛濛寒風獵獵菊蕊香浮蘆花影接飛幾片而悠揚  
堆數叢而妥貼比態度於朱顏擬風光於醉頰爛熳吳  
江寺外染徧丹楓紛披御苑溝邊流殘紅葉則見赤水  
丹崖之處蒼烟夕照之中淡拖霧抹濃襯霞烘緋袍著  
樹火齊堆空陳却翻新嬌妍多致冷還欲熱妝點偏工  
獨殿秋容占斷橙黃橘綠新標花樣豈儕萬紫千紅十  
里五里三株兩株猩唇舛染鶻血誰塗綴枝枝之錦繡  
嵌樹樹之珊瑚色不兼香天畱晚艷老堪轉少質本清  
臞撒網人來認桃源而泛泛提壺客過指杏塢以于于

掩映疏林輝煌古寺饒春色之年華增暮天之景致一段風流無窮別思倘畫出倪迂之筆也應多買胭脂若移來煬帝之宮不假重粘綵織占青山之一角好憑花事三千襯白屋之數間宛映朱樓十二所以幽人見而心憐騷客吟而興勃爭春意之續紛訊春光之秀越紫泥圍徑艷色參差赭石盤根寒輝恍忽映長空而影蘸霽雨殘虹籠古渡而光連輕烟淡月疏疏密密整整斜斜春景宜人憑他開落秋心獨領著意交加擬大塊之文章老能絢爛妙化工之烟景淡轉繁華林際妝來贏得夕陽鴉背溝邊拾去爭疑流水桃花

槐卯遺棠

卷一

六

鴉片煙賦

以暗裏催人骨髓枯爲韻

有物焉非苦非甘非辛非淡莫療饑腸那堪飽啗胡茶餘飯罷盛來餐玉之盤而巷口街頭售似賣錫之擔教友朋染朱成墨投膠漆以聯交陷子弟化蕙爲茅引妖魔而入暗原夫碧海通航紅毛互市蠱惑偏工梟謀頓起鳩藏毒而害無窮蟻含沙而射未已易巴菰之種以居竒採嚮粟之華而入簋煎成數餅撮土成團熬就盈甌挹膏去滓漫擬陸家雀舌烹來湘竹簾前儼同黨氏羊羔酣向銷金帳裏遂乃鷁舟載而入境鮫客販而生財伐篋簞以製管鎔金銀以飾杯引羣蟻以羶肉誘衆

禽以鳩媒猩猩酣酒而蹶步齟齬吞餌而穿腮應潮信  
而涕交作候日景而腸九迴方誇高枕重衾醉鄉真樂  
豈識聯牀對榻鬼錄頻催則見烏曹消夏青樓買春喝  
雉鼓勇畫蛾獻嘖達旦而偏忘寢起連宵而倍振精神  
珠匣擎來凝脂流溢銀籤挑去細沫圓勻餐歷晨昏對  
一燈而噓吸座分左右易兩地以橫陳當上藥以徧嘗  
豈得味外之味居下流而取惡本非人間之人乃復染  
及宦場玷來名闕蓮幕迷離柳管恍惚才儲八斗而皆  
虛力扛九鼎而亦竭入海蜃百重樓際過來夢裏乾坤  
墜蚩尤四面霧中忘却眼前日月灼以火而血肉豈不

槐卯遺稟

卷一 賦

七

乾枯名爲槍而性命聽其殺伐此是相思之草立可斷  
腸原非蠲忿之花真堪銷骨吁嗟乎旣生厲階竟成禍  
水悵作孽之無涯嘆飲恨兮未止多貽怨懟於妻孥每  
起參商於父子黃金與土齊價幾銷萬貫蚨飛白晝作  
夜長眠虛度半生駒晷任鄙家之穴富盡付波流縱鄧  
氏之山高空餘石髓士有螢窗肄業蠹簡編摹游圖書  
之府擷翰墨之腴皆足以供饜飫恣歡娛胡亦甘投法  
網自陷迷途憐形容兮柴共瘦憎面目兮鬼爲徒不見  
夫鳴漏底而難補鼠流涎以亡軀及早回頭莫待傾囊  
而罄產一朝失足終難起瘠而噓枯

槐卿遺藁卷一終

男芝修謹校

槐卿遺藁

卷一

賦

八

槐卿遺稿卷二 古今體詩

石埭沈衍慶著

鴻鵠行

江淮有鴻鵠翩翩飛帝鄉征雁自南來棲止依其傍大  
小雖云殊毛羽自成行飲啄既各適和聲鳴琅琅喧啾  
謝鷓雀伴侶引鸞凰秋風刮黃沙鴻鵠驚西翔夕辭長  
安月朝摩函谷霜獨雁宿空林夜半起徬徨徬徨復何  
意所謀惟稻粱稻粱不可得終歲啼飢腸飢腸何日充  
相隔天一方感此懷故人道路阻且長

題鮑小山虛心補讀圖

槐卿遺稿

卷二 古今體詩

一

平生愛古書不厭千回讀弱冠愧折腰紛紜理案牘殘  
編供蠹餐負此便便腹每當退食餘開卷時寓目有如  
久別友識面若不熟安得謝塵網歸卧舊茅屋搜盡名  
山藏補讀三萬軸偉哉鮑參軍先得我心欲翩翩正茂  
年矯矯能拔俗天馬喜行空難羈千里足俯首忽翻然  
甘作轅駒伏開篋尋古人妙義探反覆到眼淨塵埃抱  
膝臨水曲飄然清風來森森環修竹竹心日以虛竹節  
日以卓感此得良師孤情契幽獨

重陽前一日侍大父暨霞峯文堅二先生郊行即

事

塵俗日以頽締盟詎能久吾族兩彥方落落寡儕偶與  
我大父交夙比同胞厚講習心印心散遊手攜手推解  
忘形骸綱常其擔負交以淡彌真相親到白首閒暇披  
衣來逢迎開笑口况當秋風涼爽氣騰戶牖乘興策枯  
筇作朋合三壽指點眼前花摩挲手種柳菊徑訪三三  
蓮峯數九九目力旣晶瑩足力尤抖擻人疑地行仙不  
是山中叟小子賦閒居捧杖隨其後繩武愧家風儀型  
仰山斗願借珊瑚栝跪酌茱萸酒敬獻三老前引年祝  
黃耆

辛丑新正三日泊舟金山登覽諸勝復駕小艇遊

槐卿遺藁

卷二 古今體詩

二

焦山紀詩二首

片帆浮江來倏過金山下茲境倦登臨笑恐山靈惹淑  
氣轉晴霽春風散蘭若浮圖躋七層層層狀難寫長江  
入海流馳驟若萬馬到此勒繮回狂瀾不敢瀉平生浩  
蕩意對之一揮灑山僧揖我坐似入遠公社飲我中冷  
泉不數酌瓊笋輸他玉局翁寶帶一朝捨長畱鎮山門  
壽逾漢殿瓦

金山望焦山屹然比肩列譬彼尹與邢兩擅傾城色二  
美不徧觀無乃眼界仄言尋招隱洞載訪安禪室方丈  
羅古珍銅鼓傳諸葛周鼎並漢鑊眞履未暇別摩挲瘞

鶴銘斜陽忽西匿返舟篝燈寒題誌鴻爪雪一日兩勝  
遊百年能幾日

花朝後三日畢君律堂招同人賞素心蘭席罷余

偕陳春泉登仙壇夜話聯句

新晴天氣佳槐卿况值花朝後童子扣柴扉春招飲高人

酒入室妙香迎槐卿逢我素心友一一笑顏開春醞釀春

風久並蒂吐奇芬槐卿毓祥占佳耦律堂大令堪爲席上

珍春泉益挺塔前秀幽賞契無言槐卿本色期終守盤登筍

角新春泉甕開粥面厚一醉拚如泥槐卿此會良非偶翩翩

雙鶴來春泉跨之雲中走須臾登仙壇槐卿天外齊昂首眼

槐卿遺藁 卷二 古今體詩 三

界闕鴻濛春泉襟懷滌塵垢沃壤錯如棋槐卿山城小如斗

挿空峯峻嶒春泉鋪海霧紛糾氣象矚萬千槐卿雲夢吞八

九古蹟憶丹爐春泉新詩吟蠶白燒燭快傾談槐卿佐樽重

剪韭名利嘆紅羊春泉浮生笑蒼狗羣籟寂深宵槐卿忽聽

蒲牢吼一龕燈火緣春泉足證三生否槐卿

戊申秋鄙陽大水余勘災過儒堂山莊廉蒼亭封

翁招飲並願出積穀貸貧戶賦贈

天河忽傾瀉萬派波騰翻蒼黃共一色勢欲浮乾坤鄙

江三百里盪刷無完村縣官踏災來軀命爭鼃龜悲哉

澤鴻噉翻羨林猿蹲饑渴切身痛豈曰在元元散餅萬



金盡無米困巧媿天高幸發帑撫卹荷 君恩恩施戒  
遺濫丁戶紛且繁災區必周勘舟行見高原登岸尋幽  
徑隔樹誰家垣老翁扶杖迎肅我入庭軒脫巾寬禮數  
慰勞何溫存自言卜居久聊避城市喧居廬亦可惡秭  
秣種當門今年苦水漲漂盡田與園幸此一隅僻得免  
鯨鱷吞東村牽兒賣飄泊愁饑魂西鄰吞聲哭婦走身  
無禪願體長官心指困鄉誼敢得濟比鄰急升斗何足  
論我聞瞿然謝喜翁培善根作善降百祥餘慶綿子孫  
稱道猶未已肴酒羅糞盈我行厯遠近炊烟斷晨昏當  
食不下咽忍復飫雞豚感翁殷勤意勉爲盡餘樽安得  
槐卿遺藁

卷二 古今體詩

四

一孟粟化爲萬人殮

大雪行戲學歐陽禁體呈右文舅父

朔風忽捲半空雪積朝不止勢凜烈已訝催老遠峯頭  
旋驚壓倒古松節赤烏入墮海底潛蒼狗羣看天上結  
綠薨冒棟乍縈盈入隙穿簾總織屑光明早透仲舒帷  
僵卧詭排袁安闕凍鴉戀枝不出巢游猿歸洞迷失穴  
山凹山凸竟填平溪北溪南難分瞥叉手常苦皮盡斂  
蒙頭生怕僉同鐵貴妃筍每向檐敲明皇鼓詎催花發  
公子裘烏尙少溫行人屐齒多半折矧彼無衣無褐氓  
十指欲墮膚欲裂矧彼出塞從軍行輪蹄夜踏層冰滑

更有邊庭持節臣藉充饑腹羶毛咽更有萬里遷謫人  
臨歧擁馬淚淒切如此困苦異尋常滕六將無太作孽  
我聞雪本豐年徵元冥應候培稼穡陰氣太勝怨祁寒  
不生萬物殺萬物翻羨冬烘一先生逸興遄飛氣清澈  
圍爐撥火坐小窗探梅攜杖登荒垤時鬪酒兵醉蒼騰  
或烹茗甌飲芳潔呵凍還吟白戰詩飄然仙骨俗塵絕

驅瘧歌

瘧鬼瘧鬼太無賴偷逃鐵圍三山界化作億萬百千身  
到處崇人甚矣憊我今年纔弱冠餘下帷矻矻窮詩書  
素鮮頭風苦孟德何曾消渴病相如誰知高叟多鬼闕

槐卿遺藁

卷二 古今體詩

五

鬪然與我常作難山戴巨鰲壓首重月喘吳牛浹背汗  
初疑蘇武雪窖眠徹骨生寒踵至肩繼疑阿瞞赤壁困  
頭焦額爛肌膚然欲前不前足似跛欲定不定身如簸  
坤爻上六戰陰陽旣濟象辭患水火往來潮汝無愆候  
每伺駒影眉先皺直從九夏到三秋日復一日不輕宥  
有弟相憐同病身生憎熱客厭水人何如扁鵲上池水  
竟遲董奉杏林春大聲嚇瘧鬼我與汝何仇含沙射影  
逞陰謀我與汝何睚屬毛離裏紛綢繆使我硯田蕪累  
我書倉蠹彭澤常折腰邯鄲少善步半載光陰被汝誤  
古云瘧不病君子豈料君子病轉瘡我今訴汝閻羅王

縛汝鐵索鎖銀鐺  
斬汝鍾馗進士劍  
葬汝神荼鬱壘腸  
便乞大士楊枝一滴水  
灑徧千村萬戶皆安康

代友寄同幕陳君

黔中繡嶺高插天  
黔中珠泉流濺濺  
山重水疊千萬里  
夢魂飛度到君前  
陳君磊落真奇士  
翩翩年少富文史  
白眼看他世上人  
獨傾肝膽酬知己  
幕府頻年賦壯遊  
黃金臺上挂吳鉤  
搖筆枚臯能草檄  
吟秋王粲每登樓  
榻來賤子依人燕  
王謝堂前乍相見  
相見相見相憐異  
地身官燭高燒共歡宴  
剪燭談心漏轉遙  
羈愁却是爲君消  
意氣時聞雞起舞  
風懷解引鳳吹簫  
章江花月匡廬雨  
槐卿遺藁

卷二 古今體詩

六

年年暢聚可憐宵  
可憐遊子悲秋早  
苦憶萱堂雙鬢老  
家書一紙足還鄉  
便把行裝束草草  
此時腸斷子規聲  
此際離筵無限情  
却寄陽關三疊曲  
桃花潭水照分明  
歸來雪爪重重記  
關山飄泊愁無際  
回首河梁贈別時  
春光攀折柳枝細  
約到三生夢正長  
江雲渭樹兩茫茫  
爲君別按相思譜  
目斷西風雁幾行

重陽亨衢叔大父招客飲望佛庵從遊卽事

問梅老人開口笑  
侵晨呼童走相召  
道趁重陽佳日佳  
好把秋光一憑眺  
絳帳翩翩三鳳雛  
教他挈榼還提壺  
覓伴恰逢客不速  
敗興喜乏吏催租  
出門競議登高去

忽然行過招提路禪扉寂寂白雲扃舊是嗣宗讀書處  
相逢一笑老僧迎徑入維摩方丈住佳味盡出香厨供  
清談却借山茗助今年籬菊開較遲看花喜看未開時  
明年歡會知何處莫負茱萸酒滿卮

題張魯岡學博春水歸船圖

桃花三月春漲平一舟欸乃天際行舟中有客推篷坐  
側聽兩岸鶉啼聲鶉啼歲歲催歸去欲歸不歸空日暮  
一笑功名付逝波雪泥鴻爪懷前度前度芙蓉鏡裏人  
乘查使者宰官身琴庭偶看仙鳧集繡隴爭聞野雉馴  
頻年潘岳板輿奉烏私欲報親恩重菰米從來梓里香

槐卿遺藁

卷二 古今體詩

七

萱堂夜作還鄉夢陳情牒上把簪投惹得攀轅父老愁  
新安多少甘棠樹枝枝都爲召公畱官清行李總蕭然  
琴鶴圖書載一船回首多情睨水月迢迢送到故鄉天  
故鄉三徑期終老閒去仍餐苜蓿草何嫌官冷換頭銜  
舊遊還愛江南好我亦曾經宦海寬茫茫四海多波瀾  
幾人砥柱中流鎮自古回篙急水難君不見在山泉清  
出山濁輸君還得真面目莫誇乘風破浪一宗慙

在平題壁三首

男兒願作逍遙游便當散髮弄扁舟不然仗劍殺賊陰  
山下功名那不封通侯胡爲摧眉折腰戀五斗風塵驅

作牛馬走傲骨年年耐挫磨不如意事常八九漫天風  
雪別長安行李蕭條行路難短僕揶揄愁拙宦故人鄭  
重勸加餐時借呂鏡人同年陶述菴家從先姪嗟乎海上三山渡不得功  
名枉鑄六州鐵四顧天地何茫茫中宵坐起長歎息

長嘆息復何爲毒霧莽莽迷海陸井底之蛙眞可嗤跳  
梁一壑敢天窺胡爲乎大輸金幣撤藩籬開門揖盜罪  
在誰恨不請劍先誅之嗚呼毒蛇螫手須斷腕禁烟一  
炬犁其根丈夫隻手定天下豈事區區婦人仁但教東  
南半壁長借寇鬼方聞之讐若神一朝自把長城壞羽  
書絡繹馳邊塵頭焦額爛無長策翻咎當初苦勸曲笑  
槐卿遺稟

卷二 古今體詩

八

徙薪人長嘆息淚沾巾

燕雲白日搏風沙走馬忽停遊酒家座中有女顏如花  
明鑄翠袖雲鬢斜盈盈十五未破瓜柔聲勸酒撥琵琶  
我欲攜之置後車明珠一斛索價奢豈惜重價買歌笑  
黃金用盡難爲賒嗚呼我心落落如雲霞彼姝何戀當  
筵誇只憐孽海終墮落隨風飄蕩無津涯長嘆息惜芳  
華

贈星學汪炳文

汪生終日寸寸走胸中隱隱羅星斗一枝鐵筆常在手  
四餘七曜判休咎妙術差擬瓊瑤叟十年憶折池陽柳

相逢競詫談天口許我射策金門右綬可結腰印懸肘  
此言今已應八九重來爲我細推剖記取五行驗日後  
我思人生自有真不朽豈在區區祿位厚磨礮年來命  
官守達人知命惟順受修身俟之忘夭壽此外紛紛任  
蒼狗

拜大姊望姑墓

姊幼許李氏十六未婚聞李子故隱痛之素服  
蓬首數月遂慊慊病問之泣曰魂夢常在李氏  
不他適矣吾父母成其志使李氏迎歸越數日

絕食一死

槐卿遺藁

卷二古今體詩

九

人抱女嬃痛荒邱奠一觴魂應侍西母生未識東牀眉  
案泉臺聚心喪季路長古梅香滿壟冷艷有冰霜

己亥夏假館於邵君俊千別墅俊千謬欲執贄余

愧不足當書箴以贈

小園傍山麓蘭蕙發清芳稍避俗塵俗能消長日長一  
枝原暫寄百感倍交回首雲飛白淒涼不可望

虛懷兼好客雅愛主人賢愧我空投筆勞君慕執鞭素

心期共證黑髮况齊年

俊千與願借他山石磨礮日益  
余同庚

堅

奉題桂丹盟先生

超萬

養浩齋詩集時初見於務

關

天授如椽筆長扶大雅輪發言皆道氣知己兩賢人生

素為汪文端相國林小穆制軍所推重敷政衆之父摘奸明若神聽訟創

無所售泰山瞻望處風骨最嶙峋

十載辦香祝登堂今恨遲才華不世出經術信吾師期

許在千古縱談傾一卮雪花潔復潔相映素心披

題吳湛溪同年德清比部孤燈夢雨圖湛溪憶亡

弟

四顧寂無影殘燈慘不明歸魂迷萬里短夢戀三斗似

我夢我痛憐君棣萼情西窗聽雨夜并作斷腸聲

槐卿遺藁 卷二 古今體詩

十

題湛溪詩鈔

把卷忽長嘯都舍變徵聲天涯說知己吾意薄浮名下

筆挾風雨出言關性情同來燕趙路感慨觸平生

題王海樓明府倚闌觀日出圖

海氣昏如墨誰擎紅日來忽攜碧玉杖高上青靈臺之

子抱奇賞披雲胷臆開搏桑舊遊處仙蹟赤烏猜

題黃澗齋司寇爵滋如此江山圖二首

感舊忽長慟妖氛海上來樓船衝浪駛礮火撥雲開天

設江關險人誰柱石才金焦餘兩點憑眺幾徘徊

報 國文章在鏗然金石聲欲將天漏補重望海波清

伏櫪悲神驥何人縱巨鯨滿腔忠義氣不共暮雲平

題吳月霄天奇閣集

我生抱奇氣廿載悔彈冠鬢漸中年逼詩愁俗吏難似  
君多礪魄與世別醜酸古調一高唱蕭蕭白日寒

之官江右畱別都門諸同年

瑟瑟西風戛玉珂征衫檢點劍新磨除官地喜還家便  
人客情偏戀舊多明月飛觴陪燕笑碧雲橫笛忽驪歌  
邯鄲消息原如此莫向天涯覓夢婆

蓬山勇水渡無緣孤負長安任一年敢謂風塵羞俗吏  
每瞻瀛島羨羣仙飛鳧蹟已人間駐相馬名誰字內傳

槐卿遺棠

卷二 古今體詩

十一

清白家風期莫玷官箴五夜讀遺編

一鞭遙指豫章西繡錯輿圖迴不齊吉水榮光輝翼軫  
豐城紫氣接虹霓浮蹤鴻爪雪花印回首龍池雲樹迷  
忽憶琵琶彈夜月江州司馬句曾題

此行先望故鄉歸兩代椿萱盼綵衣材短恐難支夏屋  
天高幸許戀春暉幾人膏雨蘇黎庶一路看星向紫微  
蒙贈河梁詩句好開函還帶五雲飛

丁酉重陽蔡耘圃明府宴招文郁廷太守元雲渠

別駕蔣韻泉吳籟林姚楚芳王明之張心畬余

朗齋諸先生於青雲書院余庖代金谿卸篆抵



郡幸陪雅讌因賦二律

捧檄珊瑚城忽四旬輕帆催送汝河濱却逢北海開樽日  
正是東籬采菊辰符綰名區宜攬勝榻懸賢尹慣畱賓  
我來恰似龍門勃高會滕王閣上人

石磴層層接翠微華筵移處趁斜暉潭凝靜碧波千頃  
亭蔭寒青樹四圍五馬轡聯嵐靄駐雙鳧逐嶺雲飛  
今朝拚醉茱萸酒笑對花枝緩緩歸

畱別潞江士民四首

簿書半載不知閒忽報瓜期挈鶴還肯負初心盟潞水  
好畱眞面對廬山陽城政以催科拙劉寵車因惜別攀

槐卿遺藁

卷二 古今體詩

三

底事臨歧又回首茅簷痛癢總相關

此邦風氣久稱淳過化先賢跡未泯集泮有鴉能載好  
穿墉無鼠不難馴麥禾愧乏雙歧瑞桃李思栽百甲春  
易俗從來儒者事願烝髦士率齊民

河流一線萬山中往日魚鹽利鮮通自是滄桑關地運  
莫將耕鑿廢人功賣刀合向田驅犢積粟常防澤集鴻  
幸際承平時節好倉箱處處祝年豐

製錦才疎任匪輕香焚五夜寸心縈懲奸尙破庭邊柱  
判牘休談紙上兵宦轍從茲畱雪印治區何處樹風聲  
驪歌莫更殷勤唱動我離愁萬斛傾

余錄官激江時公牘文字一冊名學製草錢小南

序題駢語獎飾逾恒賦此以謝

傀儡登場鼓漫搥研朱細判牘如麻未焚筆硯畱雞肋  
敢詎弦歌化鼠牙招妬那堪讒蕙傷心不獨泣琵琶  
多君綴玉編珠手刻劃無鹽太嗜痴

蕪湖過鄧林颿司馬怡園贈戴茂才頤齋芝樓昆

仲

十年重過此園中

辛卯赴金陵秋試會過此園

風景依稀去日同照

眼都嵌雲母牖置身疑在水晶宮

園從水中起基址

能從空際

開生面想見靈心奪化工好把塵襟全滌蕩停帆恰有

槐卿遺橐

卷二十一今體詩

三

石尤風

人日登燕子磯有感

江流一派束金門石燕飛來勢欲吞日落空亭銜遠靄  
潮來古岸齧殘痕翠華想像豐碑冷紺宇荒涼老柏存  
振觸無邊風木感不吟歸雁總傷魂

大廷尉趙蓉舫夫子招同門下士孫編修蘭檢江

檢討季安夏儀部百初李秋曹玉泉蔣心香程

庶茲二水部小集書齋賦呈

綺席欣從絳帳開眾仙此日聚蓬萊門牆遭際誇羣秀

宦海飄零愧散材畫燭高燒星影合銀罇傾倒漏聲催

今宵立雪都忘冷爲有春風座上來

再之江右畱別都門諸同年

勞生薄宦等浮漚一任升沉逐水流

戊戌冬卸署與國縣任旋丁外艱以交代遲延落職出山剛送帝京秋許還合

浦恩何渥服闋引見奉旨再到邯鄲夢轉悠舊

兩歡逢頻問訊幾年別况話勾畱

栽花曾記滿山城難慰攀轅父老情興邑人士製贈牌

詩留格例未准政拙能無書下考民安何用市浮名每捫方寸

懷先訓丙申之官時家大父書人於方寸存清愧乏捐

埃答白官在朝廷任去留十四字命懸座右聖明但有雙流章貢水照人不改舊時清

槐卿遺藁卷二古今體詩 齒

海外妖氛捲浪來游魂金底亦愚哉時英夷犯海疆請纓都抱

終軍憤上策誰憐賈誼才久盼么麼全掃蕩但聞大帥

議招徠用恩還要威先克擬賦饒歌唱幾回

酒盞連朝餞故人離懷傾倒百壺醕回頭宦海誰尋岸

識面廬山要認真此去重攜琴鶴伴舊游未了雪鴻因

使星他日經荒邑好迓旌旗與畫輪

春草八首

宮娥鬪罷任紛飛又趁平原拾翠歸生意肯隨殘燒盡

出山漫道託根微依然南浦長迎送莫向東風較瘦肥

獨有夢魂常戀闕御溝柳下濕輕緋

如此青青劇可憐。忍教踐踏大堤邊。先榮合讓蓬瀛種。  
有恨非關雨露偏。偶襯花茵。供坐嘯。闌披書帶助吟編。  
王孫遊去曾相訪。小話班荆。二月天。

擬賦池塘思未窮。迷人好夢覺成空。入簾相對舒青眼。  
前路多情引玉驄。敢詡清芬。堪作佩。生憐弱質耐當風。  
平蕪一帶鋪如畫。渲染韶光。費苦工。

似曾相識逐紅塵。雙屐誰家齒印新。到眼慈龍仍本色。  
從頭採擷也前因。敷榮豈借喬枝。附指佞偏教。勁節伸。  
不管朱門與蓬戶。當窻隨意結芳鄰。

平生原不解相思。偏向芳春管別離。底事萋萋縈夕照。

槐卿遺愛

卷二 古今體詩

五

爲誰冉冉遍天涯。怕攀薜荔行吟緩。欲贈蘅蕪入夢遲。  
剩有青袍和淚染。袖邊零落斷腸詞。

迢遞燕雲首一回。如絲忽見碧成堆。漫嫌古道無人問。  
到底陽春有脚來。螺黛也須勻點綴。鴉鋤且莫濫刪裁。  
千行萬徑銷魂處。付與征蹄得得催。

競說科名兆吉祥。自家消息自平章。相期茅拔徵連彙。  
也並葵傾解尚陽。入用尙堪儲藥籠。生香應不負書倉。  
循陔更與殷勤祝。長借晴暉護北堂。

岸芷汀蘭舊結盟。綿綿臭味倍關情。美人塚尙畱千古。  
騷客愁多寄一生。閱遍枯榮都有數。嘗來甘苦總難平。

他時莫漫悲同腐。贏得螢光照眼明。

菊江亭懷靖節先生

長江浪洗六朝空。一菊能留地數弓。晉宋編年關大節。羲皇入夢想高風。酒懷松徑盤桓後。詩境桃源浩渺中。腰折我仍牛馬走。幾番惆悵問籬東。

題家寄人二兄畫鞠舊筵

秋風秋雨耐年年。消受醬寒蝶瘦天。祇要到今存晚節。休論零落與鮮妍。

謁于瀛舫夫子於婁江官署值因事他往延候數

日感賦

槐卿遺藁

卷二 古今體詩

去

千里人重問。字來升堂由也。獨徘徊已拚立雪逾三尺。何處尋梅尙未回。

題周吟樵馬上看殘花圖

十里春明錦萬叢。搖鞭無語去匆匆。眼中多少青衫淚。灑上花枝分外紅。

槐卿遺藁卷三

書牘

石埭沈衍慶著

上大府請罷英夷和議書

道光二十二年八月

爲國體攸關前車宜鑒敬陳芻蕘仰祈采擇入告以振天威而伸士氣事竊英逆犯順以來兵結三年毒延四省姦淫婦女擄掠貲財占據城池戕傷鎮帥凡屬含生負氣之儔靡不痛忿填胸亟思寢其皮而食其肉我皇上命將出師大彰天討屢申

明詔曉諭編氓俾知各懷忠義咸切同仇此正爲臣子者枕戈待旦之秋也詎逆英惡醜彌天狼奔豕突復敢槐卿遺藁 卷三 書牘 一 直逼金陵妄肆求請並於鍾山之上安設大礮竟有劫以不得不從之勢此不特我

國家二百年未見之狂氛而以犬彘不食之餘孽膽敢脅制

聖朝全盛之兵威較之吐蕃之於唐契丹之於宋其勢其力足以相角而後敢肆其鴟張者兇悖尤有甚焉查英逆求請各欸一係索討洋錢二千一百萬元一係索討香港作馬頭并往廣州福州廈門上海甯波等處貿易一係與中國官員用平行禮其餘尙有求請大氐不出三欸之外業据星使督憲允准會 奏職聞信之下

始而疑繼而駭再四思維不禁爲之痛哭而流涕也伏思天地之生財有限國賦之歲入有常自逆夷包藏禍心以害人之烟土易利用之金銀中國脂膏暗被吸盡漏卮不可數計思之已堪髮指茲復明目張膽恣意貪索卽使府庫充盈而賞賚之權自我予之則爲恩施自彼索之則爲脅取况軍需在在緊要以之製器械何一不利以之備火藥何一不全以之造戰艦何一不堅以之修城池賞士卒何險不固何人不奮不此之用而乃借寇兵而資盜糧固不待智者而知其非且豺狼之性谿壑難填昨歲粵東以六百萬議和茲到江南又三倍

槐卿遺藁

卷三

書牘

二

之設使取盈之後再往他省肆無厭之求發更端之請不知何以給之割肉以餉餓虎肉盡終於噬人此斷斷不可者一也土地者受之天命傳之

祖宗世世守之不得以尺寸與人此固萬古不易之道也逆夷從古不通中國自粵省開洋禁以來租給馬頭陽借貿易之名陰萌窺伺之實履霜堅冰由來者漸迄今思之未嘗不追咎當時之失算然粵東僅屬海濱一隅茲則由粵而閩而浙而江財賦之區悉歸其壟斷要害之地盡入其把持此後事事如願則已否則中國稍

有動靜逆夷無不周知一方之盤踞尙且撫之不安數省之結聯豈易驅之使去不特此也覬覦不已必更索登州天津關東等處馬頭以我

朝幅幘廣濶振古爍今而東南北三面皆逆夷之連疆內地險阻跋涉維艱彼則沿海往來呼吸響應竊恐

國計民生從此不堪設想此斷斷不可者一也至該逆所請與中國官員用平行禮此其藐視中原陵蔑罔上之罪尤堪髮指我

聖朝聲靈赫濯遐方異服靡不稱臣奉貢稽首來庭逆英僻居海島夙繫陪臣受

槐卿遺藁

卷三 書牘

三

累朝存撫之深仁戴

皇上高厚之覆載見中國官員理宜屈膝匍伏以昭恭順何得井蛙窺天夜郎自大春秋所最重者冠履之分所最謹者華夷之辨成公二年書公會楚公子嬰齊於蜀君子譏其中國諸侯降班失列下與夷狄大夫會也今督撫之尊不止古大國諸侯竟下與犬羊之逆用平行禮不特褻瀆衣冠爲中外所恥笑且使各夷聞風效尤等威莫辨中國又何所恃以爲尊乎賈誼曰天子者天下之首何也上也蠻夷者天下之足何也下也逆英

藐視中國官員是藐視中國



天子竊恐平行者爭長之階爭長者倒懸之漸雖屬儀節之虛文實關治忽之大體此斷斷不可者又其一也當事諸大憲計畫萬全豈不明知其不可特因該逆有能如所請永訂和好不敢再起兵端之約故爲此枉尺直尋之舉不思該逆狡詐性成反覆無定卽如數年間始則犯兵定海繼則遞呈天津和議旣成於粵東妖氛復熾於鎮海以至擾廈門據甯波陷寶山入乍浦撲鎮江窺金陵皆前次議和以後之事豈謂和在粵省而他省各不相蒙乎該逆姦詭萬狀顯而易見粵東一誤江南豈容再誤猶欲恃區區香火盟誓以爲憑信不幾視

槐柳遺臺

卷三 書牘

四

天下事如兒戲哉議者謂事有經權不同倘不如所請該逆勢必開仗鍾山逼近省會一經轟擊難以支持並恐偷挖高堰滋擾別省不若暫示羈縻姑全旦夕此尤自餒其氣矣夫城下之盟古人深恥鍾山係內地並非海濱逆夷猖獗匪伊朝夕設險固守先事豫防之謂何而竟聽其實逼處此卽不幸時危勢迫亦當背城借一守效死勿去之義而乃偷目前之安貽無窮之恥欲諉諸民風之柔懦士氣之不揚律以春秋斧鉞之誅其能自解于天下後世乎議者又謂賊氛孔急與其以數百萬兵民試之勝敗不可知之數曷若姑允所請以保闔

城生靈信斯言也則是張巡之守睢陽向子韶之守淮甯不若晏殊納幣之議安石界地之策也且許給之項庫藏不足勢必籌輸民間東南連年水災民生日蹙再加追呼不至展轉溝壑不止等死耳死於忠義與死於流亡孰愈乎紫陽綱目紀載昭垂歷觀漢唐晉宋以來如婁敬劉文靜姚璿楊再思桑維翰秦檜之徒其謀國皆主和議究之得乎失乎危乎安乎殷鑒不遠胡不熟思而審處之善乎宋李忠定之言曰中國之御四夷能守而後可戰能戰而後可和試以近事言之前林制軍之守粵東逆英雖肆擾海濱然未能闖進澳門也劉撫

槐卿遺臺

卷三 書牘

五

軍之守浙省逆英雖攻掠郡縣然不敢徑逼杭州也卽如臺灣孤懸海外而彼處鎮道各官依險守禦逆英終無能肆毒向使粵東不易督臣不倡和議不撤藩籬而乍浦上海寶山各海口俱能竭力防禦該逆又何遽兇熾至此况逆英之退出粵境也不係乎許和之撫綏而恃乎義民之憤擊此目前已然之效不尤彰明較著也哉至官兵之所以不敢輕敵者動以該逆船堅礮利爲辭竊思夷船雖堅而實笨海外衝風破浪是其所長我軍此擊彼竄難以爲力若一入內地則積水不厚必多膠淺之虞入坎多凶難恃輪轉之利今天奪其魄駛進

江口孤軍深入正宜趁此機會密簡精銳遶出下游以斷其後上游各踞多札木排層疊設險以遏其前并飛移鄰省各將軍督撫無分畛域四面堵截合力殲剿堅壁清野使無所掠以懈其氣置毒斷流使不敢飲以亂其心倘該逆舍舟登陸則多設疑伏以待之而密遣下游精兵徑襲其船隻使無歸路譬如魚投重網虎陷深阱舍此不取而縱之出淵放之入山噬臍何及逆礮雖利必資火藥誠能斷絕內地奸民接濟則其用易盡卽使蓄積甚多必在船內或用噴筒火箭射其篷艙或備燥荻枯柴盛以多艦俟昏夜乘順風出其不意環而燒之以彼引火之藥濟吾火攻之用該逆釜底游魂焉能逃此一炬昔周瑜以三萬人破曹操八十萬衆於赤壁恃此道也至於臨機應變運用不測則在帷幄之籌畫當局之操縱斷非可遙爲臆度徒侈紙上空設已也而其大要尤在乎選擇良將激勵士卒團練鄉勇撫輯羣黎紀律嚴明賞罰信決

乾綱獨斷於堂陛而弗涉游移守臣效命於疆場而罔敢退葸如此則人皆奮勇士盡干城于以殄滅妖氛廓清海甸洩寰區之義憤彰震疊之威靈從此大畏小懷遠撫長駕中外禔福長高太平豈不懿哉職風塵下吏

一介書生位非封疆官非台諫識見愚昧何敢妄陳軍國大計然拳拳螻蟻之忱不能自己仰維大府憂國憂民精誠宣著倘蒙俯採狂言上達天聽見諸施行雖使職荷戈擐甲授命戎行在所弗恤如謂觸犯忌諱妄議大臣定當從重懲罪職惟束身以聽參處亦不敢悔臨稟曷勝皇悚屏營之至

上林少穆宮保書

道光三十年正月

嘗聞人之學也不志其大雖多奚爲夫書史所載古人陳迹百世下尙聞風興起而况赫然在人耳目間者乎衍慶皖江下士家居時所見不出鄉里弱冠三應江南

槐卿遺藁

卷三

書牘

七

省試獨見公監臨能使多士悅服弊絕風清竊嘆以爲真有治人無治法又聞吳中士民述公惠政數大端益私心傾慕無盡比成進士習吏事於邸抄中獲讀公奏疏愈信公學究天人忠盡純篤韓范文富何以加焉每深以弗獲躬依節鉞聆訓誨供驅策爲憾泊乎海氛騰沸事勢遷移又未嘗不感憤流涕思從公於荒徼萬里外而一訴之夫時無可乘聖智不能爲也理有固然利鈍不能易也公之勲業在旂常政績在史冊德澤在天下人心非風塵末吏所能揄揚萬一而天民之行大人之學讀書私淑有年乃幸得之於今日側聞畫錦堂開

取道豫章旌麾暫駐竊欲趨望顏色聞一言以自壯恭逢國郵未敢離次兼以下邑重困於水入春以來籌接濟修堤防職守攸羈弗克舍去然寤寐之間無時不神馳左右發於中誠不能自己謹獻舊所爲文一首忘其卑陋就正有道倘賜覽觀亦足以知其意之所存附呈箋素二幅敬求手翰以爲榮寵昔太白之於荊州潁濱之於樞密類皆聞風景慕冀親賢人之光耀盡天下之大觀以激發其志氣古今人度量不相越苟以爲可教而辱教之幸甚如曰是將以自衒鬻也要名譽也求攀援也此非衍慶之所敢知而亦非大君子之所樂聞也不揣冒昧塵瀆尊嚴無任踧踖屏營之至

槐卿遺藁

卷三

書牘

入

埶宮保覆書

槐卿二兄先生執事憶昔歲在甲午僕監臨江南省試見是科得人之盛甚愜於心而執事巍然房魁闈藝尤高於衆僕竊擬其連步以登逾年果與前茅李孫諸君同捷甲科私以爲喜繼聞出爲司牧所至有聲然未共事一方尙不獲知其詳也茲以老疾乞歸養疴小住豫章延醫診治因此邦連被阻洳之患冀良有司善振其民訪詢辦災孰爲最善者僉曰鄱陽災最重而振民最勤不爲成例所束縛良法美意常

出於功令之外民愛之若父母焉亟詢其人卽執事也乃歎曰此十六年前江南榜中名下士也果如是孰謂文章與政事爲二哉僕自念作官無益於世今老病益無能爲然得一良吏心竊敬之要以不日將行未暇與執事通款曲也不謂賢者耳目綦周知僕在此不以爲老朽而予以書且獎借大溢其分讀之滋媿又錄示壬寅八月在江南所上一書陳義正大論事明切嚴氣正性使忠者讀之首肯而淚下佞者見之顏厚而汗下豈非古今之至文哉僕不敢於文中加墨者想執事必能知其故而諒之惟佩服在心已將此藁存之篋笥此文垂之久遠自有定論目前於知者之外不輕示人可也屬書楹聯掛屏匆匆塗鴉已忘其醜藉使納上尙希哂正並候升祺敬完謙柬不一學弟林則徐頓首

覆署吉安文太守詢泰和地方情形書

敬稟者竊職一介庸愚謬膺民社迂疎寡效倍切悚惶月前晉省肅謁行轅面承鈞誨蒙憲台有睟其容殷殷下問飭將地方情形詳述仰見體國憂民實心實政祇聆之下欽佩難名茲憲台下車伊始風聲所樹婦孺周知職雖不敏敢不勉竭芻蕘之一得稍酬圖治之盛

心乎伏思泰邑界連五縣水陸衝途獄訟紛繁治理非  
易近來疲敝情形日甚一日病根由於錢糧之積欠詳  
查積欠之故緣民間風俗買田者多不收糧賣田者多  
不過戶買主貪圖便宜每年貼賣主費若干謂之協納  
錢較自完之數差減賣主利歲收協納錢隨卽花用錢  
糧竟置不問甚有田易數主糧仍原戶歲月久遠子孫  
不知田畝坐落何處此過割不清產去糧存之病也一  
家之糧分作數戶或十數戶慮官挨查止完一二戶搪  
抵餘戶狡不承認邑以五鄉分作八都七十二圖每圖  
又分數十支圖有業在此都戶屬彼都有戶在此圖人

槐卿遺藁

卷三

書牘

十

在彼圖知其人不能知其戶查其戶無從查其人又或  
戶糧積欠既多賄屬冊書竄改圖甲難以勾稽此故意  
隱混花分詭寄之病也廟祠公堂之糧業輪管則侵用  
其管則瓜分或將衆戶錢糧灑派各房一經查催互相  
推諉展轉無著此業無專主鞅轄懸宕之病也科則靡  
雜畸輕畸重推收無準或田多糧少或田少糧多新墾  
之土未報升科冲荒之田未獲開豁或有糧無田或有  
田無糧此賦役不均紊亂顛倒之病也病根不除弊端  
因之百出書吏則埋封侵蝕者有之畱串苛索者有之  
差役則賄縱包庇者有之交征分肥者有之劣衿頑戶

則把持兜收者有之逃匿刁抗者有之縣官迫於奏銷之限不得不下鄉親徵而地方遼濶難以周歷或請委員分催或派家丁游征究之多一層騷擾多一層剝削於公事仍無起色且既有游征名目鄉曲益互相觀望間有願投櫃完納者亦必阻止令其畱待彙繳應限如一處未到則一處竟分釐不完且糧無的各官既難以查實差役需索未遂每混指糧戶爲欠戶以一村一甲之欠數朦稟官長責令包賠代完者不必欠的欠者可不完弱者李代桃僵強者逍遙法外以致或挺而鬪或訐而訟叢脞紛紜愈無底止尤可惡者旗丁藉口運費

槐卿遺藁

卷三 書牘

十一

錢糧多不破白以暨二都之固陂張姓三都之灌溪匡姓寺下蕭姓等村族最大丁最繁積欠錢漕動至盈千累萬差役不敢臨門官親催徵坐守僅以一紙限狀搪塞或完些須了事若帶領差勇拘拿則抗官毆差拒捕奪犯或男丁躲避婦女潑抵其次大村庄亦多聞風效尤將欲稟請調兵嚴懲又恐激之生變自蹈辨理不善之咎以故相率因循毋動爲大民氣益玩逋欠益增雖有聰強州縣亦覺其氣易阻其神先餒卽或精勤淬勵不肯畏難苟安而地廣事冗一切情形非期月不能周悉非再一二年不能馴治迨徐圖整頓甫資經理而處



分屆限下考頻書幸者獲量移否則坐待降調尙何暇  
課農桑而興學校如古循吏乎哉而且訟師地棍知官  
之勢難兼顧也放膽唆誣互相剔剔故案牘滋繁矣猾  
吏蠹差恃官之萬難久任也乘間舞文逞權匿案故事  
多沈澗矣良懦抱屈待質需時則拖久而怨譁沸騰矣  
墳山境界履勘無暇則爭鬪起而釀成命案矣官與民  
爲仇讐敲扑拘追幾無虛日民視官如過客條教號令  
漠若罔聞且夫催科撫字功實相因撫字弗盡其道固  
難徒事催科而催科未舉其綱亦豈能空談撫字孔子  
曰欲速則不達子夏曰君子信而後勞其民蓋民風土

槐卯遺臺

卷三

書牘

七

俗剛柔異宜治本治標緩急殊術次第措施漸摩化導  
要非積久不爲功今地方之疲敝風氣之敗壞若此積  
習已深實無速化之術職愚昧竊以爲州縣之治民也  
如醫者之審疾然人病噎格氣閉必先宣其陰陽去其  
否塞呼吸通順而後可徐進飲食調劑復元否則投以  
參苓亦嘔逆而不能下又如女紅之織布帛然必先條  
分縷析經緯櫛比而後可施機杼否則頭緒紛雜雖有  
巧婦難成尺幅孟子與齊梁之君言仁義而於滕則謂  
仁政必自經界始故以今日之泰和而論欲破除痼弊  
非正本清源不可正本清源非清丈田畝不可然其事

委曲煩難任大責重需費甚繁用人匪易職自顧挾持無具深恐能發而不能收未敢輕妄申請待罪以來披星戴月竭蹶奉公案無巨細隨到隨訊訟棍賊匪亦俱認真懲辦編造滾冊嚴催的欠期去其太甚之弊仰荷福庇地方公務幸尙平順惟是張皇補苴缺陷滋多清夜自思抱歉無地欲圖久安長治之效端賴憲台有以振作而更張之耳再豁免者

聖朝曠典超越萬古顧古之患在恩少今之患在恩多以浩蕩破格之

皇仁而無知小民視爲十年常例先期希冀固結於中

槐卿遺藁

卷三

書牘

十三

牢不可破以欠爲智以完爲愚舊欠甫除新欠又積如前所云侵蝕包庇兜收諸弊一經蠲免萬無破案奸蠹恃以逞恣賠銀報完而官益困挪墊攤補而缺益累此弊之隱於無形職所不敢言而又不得不爲憲台一陳之者也至若鹽食爲日用所必需額引爲歲課所從出當此岸銷疲滯之時又值制用孔亟之日天良具在敢不力求疏銷而無如引地與例食粵鹽之額屬毗連興國人民多以販私爲業肩挑背負需本無多而獲利較厚卑縣設有白羊均北坦兩卡文武員弁非不晝夜緝拏然利之所在小民趨之若鶩有向來人跡不到之處

悉爲私販之所經此拏被竄詭秘多端透漏甚易勢不能逐村逐里徧置巡攔而私徑要隘粵淮界地又多犬牙相錯偵獲挑運必由之路該處奸民反以越界妄拏爲詞挾制兵役現奉文飭會添設卡巡亦恐徒滋煩擾無補淮綱且大夥私梟兵役不敢迎捕每歲報獲者不過小販零鹽營生糊口况興邑地瘠民貧風氣獷悍一旦奪其資生之計不流爲盜匪卽挺而走險道光十八年角江口戕殺部千總之案可爲明證此緝私之難收實效也私充則官引阻滯引滯則商販裹足卑縣額銷淮鹽三千三百五十一引向無官鹽子店祇油燭雜貨

槐卿遺藁

卷三

書牘

十四

各舖零星搭賣資本甚微旋開旋輟幾至片引不通朱前令設立官局備價赴省埠及吉郡買運又於三八告期呈詞一紙領鹽一包嗣歷任各令循舊辦理銷數互有增減總不及十分之一緣私鹽價賤色潔而筋兩有餘官鹽價重色雜而筋兩不及勢已兩不相敵况私販沿村踵門隨時可以賒取或穀物交易甚便官鹽局設城中窮鄉僻壤轉運維艱且非現錢不能買小民貪利錙銖必較故相率食粵而不食淮職前因督錯不力奉文奏參摘頂勒限補銷功令森嚴不得不捐廉買運分派鄉村店舖並廣勸殷實紳耆奏資設局減價銷售

及此外有可變通疏引之術無不參酌互用是以銷數幸有起色得邀開復然權宜之政偶試一時斷難爲繼考史載唐鹽鐵使劉晏於產鹽之鄉置官收鹽轉鬻於商聽其所之上年劉御史疏請推廣票鹽卽引此爲據史又載晏於去鹽鄉遠者轉官鹽貯之減價以糶曰常平鹽自來治鹽之善莫如劉晏而其大要不過如此今淮南改票實未能輕議試行惟常平鹽之法可仿然課餉歲需甚鉅商本攸關價旣不能驟減兼之售鹽以錢還課以銀銀價日益高昂則銷路愈形阻滯查淮鹽一包價銀二錢五分五釐合現市錢價四百六十文較私

槐卿遺藁

卷三

書牘

五

鹽貴賤懸殊蚩蚩之氓豈肯舍賤而食貴卽地方官自顧考成減價敵私而正雜捐攤業已籌補支絀少減則於事無濟多減則虧賠增累且行鹽原以接濟民食例禁按戶派銷揅之過蹙難保無抑勒從事民添催索之困戶受差查之擾卽派丁運赴鄉村店販或限各墟店按月赴領亦止可於水路酌撥口岸無幾陸路僱挑重費成本店戶計本發賣有領無銷更難強使若勸諭湊資分局讓價而紳耆之良否不一劣者旣防藉端侵漁其良者又各有生業未便責以常操賈販之事且積鹵折耗久貯爲難賒欠拖延虧負不少其所讓之價果誰

捐而誰償乎至按漕米一石派領若干似屬可行然小民習於拖欠輸將已難踴躍若再責令領鹽勢必愈形退縮不特無裨嵯銷兼恐有防漕務此疏銷之種種掣肘也總之國計民生貴有斟酌調劑之要刑名錢穀亟求因時補救之方成法不可以拘牽寬猛必期于互濟仰惟憲台各望久著洞達下情何俟職瑣瀆然語不云乎狂夫之言聖人擇焉故敢忘其位卑言高之罪率臆妄陳惟冀誨導而裁成之伏惟鑒察

覆吳中丞札飭辦理命案及施七釐散書

道光二

十四年五月

魏卿遺藁

卷三

書牘

去

敬稟者奉本府轉行憲札凡有自盡之案務須詳察致死之由立時確訊虛實分別究辦總期事事認真核實隨報隨驗速結速詳勿稍延擱仍先刊刷簡明告示曉諭等因又行奉憲台札發保辜說七釐散方並藥二十五瓶飭令散給誠實紳耆收儲遇有鬪毆傷人就近給予敷治並飭酌留以備驗傷時給敷仍各將遵辦緣由稟覆等因奉此仰見整飭官方矜全民命之至意捧誦再三曷勝欽佩竊職樛櫟庸材備員宇下深慙覆餗之譏每切臨淵之懼荷蒙憲台遇事提撕隨時誥誡敢不矢慎矢勤力求振作以無負栽培訓誨之恩而於辦理

命案關係匪輕尤必慎之又慎職自前署興國安義及補授今職以來凡遇下鄉相驗騎必輕從必減赴驗必速審傷必確間有正兇脫逃一時未能弋獲不得不詳請通緝其餘無不依限訊報力遏滋蔓以省擾累至輕生自盡等案屍親差棍嚇詐賄和種種惡習誠如憲諭所云深堪痛恨伏查此等案情致死之由有釁起威逼者有口角微嫌者有貧困不能自全竟萌短見者有婦女被翁姑斥責反遽捐生者有宿怨未平冀一死可以拖累洩忿者亦有孽崇侵纏求其故而不得只可作爲因病自盡者情形百變難以枚舉其到官呈控有良民

槐卿遺愛

卷三

書牘

七

懼啟後累據情報驗者有屍親挾詐逞刁誣告者有本人不願控官而訟棍從旁主唆者有並非真正屍親而扛幫出頭混作原告者甚有失足落水乞丐路斃而好棍串商衙蠹冒充屍親擇殷妄噬者地方官稍一遷延開脫奸徒得計而良懦受害不可勝言矣茲承憲慮周詳明白指示剔弊除奸實已無微不至燭復查接閱此等案件報呈惟良民懼後累報驗者詞多據實絕無支蔓然所見不及十之一此外釁由威逼者所控被犯人證雖不乏牽引情詞尙不十分強混其餘呈報屍傷情節大率以身死不明等詞含糊懸揣不云難保非某人所

致卽云恐其中有謀逼情事蓋黠棍亦慮其坐誣故先作囹圄吞吐之詞巧爲脫卸地步卽當場審正而原詞只稱身死不明亦與實在誣告人命有間轉不能竟加以反坐之條職於此等呈詞斷不輕予准理立向原告嚴行駁斥如仍飾詞狡辯勒令將某傷某處某人某證某事某據當堂出具切實如虛坐誣甘結卽押帶原告同行直抵屍場不停駐公館授差役以藉端訛騙之隙如屍親故意逞刁爭發變爲傷痕執舊瘢爲毆據務將洗冤錄逐條檢出剴切講明必使其省悟輸服而後填格填畢卽將實係自盡身死情由取具屍親結狀除情

槐卿遺藁

卷三

書牘

七

罪游移尙須覆鞫方勒帶兩造入城審辦外其案無疑實者悉屬當場斷結並押令屍親立將棺木扛移出界方行回署該原告如控出有因並未固執狡展尙可量從寬宥若原告圖詐起見及在場幫插混爭之人俱行鎖帶進城枷責示警其被告有應得之咎亦必訊明懲辦不准一報一攔墮其操縱自由之術屍親非確有他故而呈告在死者數日之後顯係詐索未遂始借官作傀儡無論所告虛實均於收呈時嚴予責懲若死者本有親屬在家而旁支疏遠之人出頭具呈竟專治原告以事不干己之罪控詞概不准理此種奸徒每於官到

任之初一試其技但立予懲創一二後卽消阻不敢再萌故計且無可分之肥則差棍自不行商串無受累之戶則愚民自不肯輕生職來自田間習見假命釀害破家甚於豺虎夙爲之痛心疾首故入官後尤兢兢以此爲鑒戒所有以前辦理自盡各案均經隨時具詳憲鑒茲凜訓誨益當振刷精神認真核實斷不能稍事因循自貽咎戾又保辜一層本屬良法美意而或藉此居奇費貲不易術庸藥劣痛癢無關誠有如憲諭所云莫若官爲盡心調護一救兩全前閱圖民錄所載方用陳石灰和葱韭汁製餅陰乾研末敷治久經照方製備於驗

槐卿遺稟

卷三

書牘

九

傷時給醫亦頗效然止可敷而不可服止試效輕傷而未試及重傷茲奉憲發給七釐散藥并方輕重諸傷立時見效並可內服外敷且又便於攜帶隨時取用欽佩之餘尤深欣抃職現赴各鄉催徵錢糧遵擇誠實紳耆酌量散給飭令遇有鬪毆傷人速予敷治如不敷應用遵照原方多爲製造分給仍一面將嚴禁屍親索詐誣告並禁民鬪毆等因刊刻簡明告示遍行曉諭務使窮鄉僻壤並荷生成庶幾草薄從忠力挽頽俗職司民牧縱極愚昧曷敢不仰體憲台善與人同之量勉力圖維實心經理以奉揚仁風於萬一緣奉前因除繕牘申覆



外合將先後遵辦緣由肅稟縷陳弗敢稍涉虛飾是否  
有當伏乞訓示

槐卿遺藁卷三終

卷三

三

男芝修謹校



